

丹溪心法

卷五

丹溪心法卷五

元 丹溪朱震亨著

癰疽八十五

癰疽只是熱勝血 六陽經六陰經有多氣少血者有
少氣多血者有多氣多血者不可一槩論也若夫要害
處近虛怯薄處前哲已曾論及惟分經之言未聞諸經
惟少陽厥陰經生癰疽理宜預防以其多氣少血肌肉
難長瘡久未合必成死症遠用驅毒利藥以伐其陰分
之血禍不旋踵 陽滯於陰脉浮洪弦數陰滯於陽脉

沉細弱濇陽滯以寒治之陰滯以熱治之 人中年以後不可生癰纔有痛腫參之脉証但見虛弱便與滋補氣血可保終吉若用尋常驅熱拔毒紓氣之藥虛虛之禍如指諸掌 內托之法河間治腫焮于外根盤不深形証在表其脉多浮病在皮肉非氣盛則必侵於內急須內托以救其裏宜復煎散除濕散鬱使胃氣和平如或未已再煎半料飲之如大便秘及煩熱少服黃連湯如微利及煩熱已退却與復煎散半兩如此使榮衛俱行邪氣不能內傷也然世俗多用排膿內補十宣散若

用之於些小瘡與冬月時令卽可若潰瘍於夏月用之
其桂朴之溫散佐以防風白芷吾恐雖有參芪難爲倚
杖一婦年七十形實性急而好酒腦生疽纔五日脉
緊急且濇急用大黃酒煨細切酒拌炒爲末又酒拌人
參炒入姜煎調一錢重又兩時再與得睡而上半身汗
睡覺病已失此內托之意 又一男子年五十形實色
黑背生紅腫及胛骨下痛其脉浮數而洪緊食亦嘔正
冬月與麻黃桂枝湯加酒黃栢生附瓜蒌子甘草節羌
活青皮人參黃芩半夏生薑六貼而消此正內托之法

非精要內托散乳香菘豆等藥想此方專爲服丹石而發疽者設不因丹石而發恐非必用之劑 瘡先發爲腫氣血鬱積蒸肉爲膿故其痛多少瘡之始作時也膿潰之後腫退肌寬痛必漸減而反痛者此爲虛宜補亦有穢氣所觸宜和解風寒逼者宜溫散

腸癰 大腸有痰積死血流注 桃仁承氣湯加連翹秦艽近肛門破入風者難治防風之類

乳癰 乳房陽明所經乳頭厥陰所屬乳子之母不知調養怒忿所逆鬱悶所遏厚味所釀以致厥陰之氣不

行故竅不得通而汁不得出陽明之血沸騰故熱甚而
化膿亦有所乳之子隔有滯痰口氣熅熱含乳而睡熱
氣所吹遂生結核於初起時便須忍痛揉令稍軟吮令
汁透自可消散失此不治必成癰癤治法踈厥陰之滯
以青皮清陽明之熱細研石膏行汗濁之血以生甘草
之節消腫導毒以瓜蒌子或加沒藥青橘葉皂角刺金
銀花當歸或湯或散或加戒隨意消息然須以少酒佐
之若加以艾火兩三壯於腫處其效尤捷不可輒用針
刀必至危困若不得於夫不得於舅姑憂怒鬱悶斯夕

積累脾氣消阻肝氣橫逆遂成隱核如大棋子不痛不
痒數十年後方爲瘡陷名曰妳岩以其瘡形嵌凹似岩
穴也不可治矣若於始生之際便能消釋病根使心清
神安然後施之治法亦有可安之理

乳癰方

青皮

瓜蒌

橘葉

連翹

桃仁

皂角刺

甘草節

破多加參芪

右以水煎入酒服

乳癰妳勞焮腫

碎栗石膏煨

樺皮燒

瓜蒌子

甘草節

青皮

右以水煎服

治乳有核

南星

貝母

甘草節

瓜蒌

各一兩

連翹半兩

右以水煎入酒服

又方

人參 黃芪

川芎

當歸

青皮

連翹

瓜蒌

白芍

甘草節

乳岩小破加柴胡川

芎

右以水煎入酒服

乳硬痛

沒藥 一錢

甘草 三錢

當歸 三錢

右作一服水煎入酒少許熱飲

吹妳

金銀花

大蕎麥

紫葛藤

等分

右以醋煎洗患處立消如無下二物只金銀花亦可

乳栗破

少有破必大補

人參 黃芪 白朮 當歸 川芎

連翹 白芍 甘草節

右以水煎服

附骨癰

熱在血分之極細初覺先以青皮甘草節後破當養
血初腿腫以人參黃連茯苓各二錢瓜蒌子四十八
粒作二貼入竹瀝熱飲之

治環跳穴痛不已防生附骨疽

以蒼朮佐黃栢之辛行以青皮冬月加桂枝夏月加

丹溪小法 卷五 五
條子芩體虛者加牛膝以生甘草爲使大料煎入姜
汁帶辣食前飲之病深者恐术栢桂枝十數貼發不
動加少麻黃二三貼又不動恐癰將成矣急掘地坑
以火煨紅沃以小便赤體坐其上以被席圍抱下截
使熱氣重蒸腠理開氣血暢而愈

鉄圍散 治癰疽腫毒

乳香

沒藥 半兩

大黃

黃栢

黃連

白南星

半夏

防風

皂角刺

木鱉子

瓜蒌

甘草節

草烏

阿膠

右為末醋調成膏砂石器內火熬黑色鵝翎傳之

圍藥 諸般癰疽傳上消散

乳香

沒藥

大黃

連翹

黃芩

黃連

黃栢

南星

半夏

防風

羌活

瓜蘖

阿膠

皂角刺

右研為細末好醋煎黑色成膏寒者熱用熱者寒用

圍藥 鐵并欄

貝母

南星 各七錢

連翹

五倍子

經霜芙蓉葉 各一兩

右碾為細末用水調傅四向腫處止留中間一竅出

毒氣

隔皮取膿法

馱蹄 細切一兩

蕎麥麵 一兩

白鹽 半兩

草烏 四錢 去皮

右為末水調作餅子慢火炙微黃色出火毒研末醋

調成膏用白紙攤貼患處水自毛孔而出其腫自退

騎馬癰

用大粉草帶節四兩長流水一碗以甘草淬焙水
盡爲末入皂角炭少許作四服湯調頓服效

又方

甘草節白芷黃連破者龍骨枯礬赤石脂併用

敷疽癰方

草烏

黃連

紫荊皮

白芷

大黃

芙蓉皮

朴硝

粳米

各等分

右爲末蜜水調敷如瘡盛以蜜調雄黃末圍定瘡穴
大小前後敷前藥末

一人肛門生瘡久不收口有針竅三孔勞力則有膿

黃芪

條芩

連翹

秦艽

右爲末神麩糊爲丸

取朽骨久疽及痔漏者有之

取烏骨雞脰骨以上等雌黃實之鹽泥固濟火煨
通紅取出地上出火毒去泥用骨研細飯丸如粟
大以紙撚送入孔中竅內更用膏藥貼之

便毒

山梔子

大黃

乳香

沒藥

當歸 五分

瓜藹仁 三錢

代赭石 一錢

右作一服煎

又方

木鱉子

大黃

瓜藹

桃仁

草龍膽

右咬咀濃煎露星月一宿清早溫服立愈

又方 白殭蚕槐花爲末酒調服一方加酒大黃

附方

消毒飲 治便毒初發三四日可消

皂角刺

金銀花

防風

當歸

大黃

甘草節

瓜蒌仁

等分

右咬咀水酒各半煎食前溫服仍頻提掣頂中髮立

効

機要內托復煎散

癰疽托裏健胃

地骨皮

黃芩

茯苓

白芍

人參

黃芪

白朮

桂枝

甘草

防己

當歸

各一兩

防風

三兩

右咬咀先以蒼朮一斤水五升煎至三升去朮入前

十二味再煎至三四盞取清汁分三四次終飲之
又煎蒼朮粗爲湯去粗依前又煎前十二味粗分飲
之

內踈黃連湯 治瘡皮色腫硬發熱而嘔大便閉脈洪

實者

黃連

芍藥

當歸

檳榔

木香

黃芩

梔子

薄荷

桔梗

甘草

各一兩

連翹

二兩

大黃

二兩半

石咬咀每服一兩入姜煎

疔癰八十六

疔癰用針刀鏃破頭上以蟾酥敷之後用菜豆野菊莎末酒調飲醉睡覺卽定痛熱除不必去疔自愈也 治一切疔瘡用紫梗菊花根莖葉皆可研碎取汁滴口中飲之 療癰 血氣痰熱 以牡礪煨過爲末立參搗膏爲丸 桑椹黑熟者搗汁熬膏湯調服紅者晒乾爲末湯調服 師云大田螺連肉燒灰存性爲末入麝香少許濕則乾敷乾則油調敷 夏枯草大能散結氣而有補養血脈之功能退寒熱虛者儘可倚仗若實者以

行散之藥佐之外施艾灸亦漸取効

入方 治瘰癧

海藻

洗去沙土
土晒乾

昆布

揉去土同上二
味先研爲末

何首烏

木曰搗
爲末

皂角刺

炒令
黃色

公蛇退

樹上或牆上是雄用
一條平地上者是雌

右五味爲細末和勻一處豬項下刀口肉燒熟醮前

藥末喫食後倒患處眠一伏時每核灸七壯口中覺

烟起爲度膿盡卽安初生起時灸曲池男左女右

附方

寶鑑保生錠子 治疔瘡背疽癰癤一切惡瘡

金脚信

雄黃

硃砂

各二錢

麝香

一錢

輕粉

半大匣 半大盞

巴豆

四十九粒文 武火炒研

右爲極細末用黃蠟五錢溶開將藥和成錠子冷水

浸少時取出旋丸捏作餅子如錢眼大將瘡頭撥開

安一餅子次用神聖膏貼後服托裏散若瘡氣入腹

危者服破棺

神聖膏 治一切惡瘡

當歸

藁本

各半兩

沒藥

二錢

黃丹

黃蠟各二兩半 乳香二錢 琥珀二錢半 膽礬

粉霜各一錢 白膠香二兩 清油二斤 木鱉子五十

皮箇去 巴豆十五箇去殼 槐枝一百二十條 柳枝一百二十條

右作一處先將槐枝柳枝下油內熬焦取出不用後下餘藥熬至焦黑亦漉出不用將油澄清下黃丹再

熬成膏用緋帛攤之立効

千金托裏散 治疥瘡發背一切惡腫

官桂 人參 甘草 川芎

白芷 芍藥各一兩 木香 沒藥各三錢

乳香二錢 當歸兩半 連翹一兩二錢 黃芪一兩半

防風 桔梗 厚朴各二兩

右十五味爲細末每服三錢酒一大盞煎三二沸和

粗溫服無時

破棺丹 治瘡腫一切風熱

芒硝 甘草各一兩 大黃二兩半生半熟

右爲末煉蜜丸如彈子大每服半丸食後茶清溫酒任化下童便半盞研化服亦得忌冷水

太乙膏 治癰子瘡神効

腦子

一錢

輕粉

乳香

各二錢

麝香

三錢

沒藥

四錢

黃丹

五兩

右用清油一斤先下黃丹熬用柳枝攪又用葱兒蔥

七枝先下一枝熬焦再下一枝蔥盡為度下火不住

手攪覷冷熱得所入腦子等藥攪勻磁器盛之用時

旋攤

尅効散

治癩子瘡

官桂

硃砂

各半錢

赤小豆

粳米

各四錢

粒

斑貓

四十九箇
不去翅足

右五味研爲末初服一字次服二字次服三字次服四字煎商陸根湯送下空心服小便淋瀝爲効如惡心嘔吐黃水無妨瘰癧日日自消矣

玉燭散

治瘰癧和血通經服之自消日進一服七八

日取效

方見婦人類

東垣升陽調經湯

治瘰癧遶遶或至頰車此皆出足陽明胃經中未若瘡深遠隱曲肉底是足少陰腎經中來乃戊脾傳於癸腎是夫傳與妻俱作塊子堅硬大小不等並皆治

之或作丸亦可

升麻 八錢

葛根

草龍胆 酒製

酒苓

莪木 酒洗炒

三稜 酒炒

甘草 炙

黃連 酒洗

連翹

桔梗 已上各五錢

生黃芩 四錢 歸梢

芍藥 各三錢

黃栢 酒炒二錢

知母 酒洗炒一兩

右另秤一半作末煉蜜爲丸菜豆大每服百餘丸一

半作咬咀每服五錢若能食大便硬可旋加至七八

錢水二盞先浸半日煎至一盞去粗臨卧熱服足高

去枕仰卧噉一口作十次嚥下留一口在後送下丸

藥服畢其卧如常

金湯瘡癬諸瘡八十七

金瘡 五倍子紫蘇等分

又方 白膠香三錢龍骨一錢

金瘡狗咬

五月五日午時用陳石灰一斤搗為末葶一斤搗

汁和成餅陰乾為細末敷之

治陽証腫毒并金瘡

大粉草剉細用竹筒一段割去青兩頭留節節上

開一竅入粉草在內滿後用油灰塞孔竅從立冬
日放糞缸內待立春先一日取起豎立在有風無
日陰處二十一日多最好却破竹取草爲細末用
傅金瘡乾者水調

火燒

桐油 二錢

水 二錢

右二件以桃柳枝不住手攪成膏再入少水溶外用
貓兒肚底毛細剪摻上

湯澆

以淋了茅三次灰相傅患處

湯火瘡 臘月猪胆塗黃柏炙乾為末傅之

賺瘡

乳香

沒藥

水銀

當歸

各半

川芎

貝母

黃丹

二錢半

真麻油

五兩

右咬咀除黃丹水銀外先將餘藥用香油熬黑色去

粗下黃丹水銀又煎黑色用柳桃枝攪成膏油紙攤

貼

又方

龍骨

生用

血竭

赤石脂

共一兩

頭髮

如指大

黃蠟二兩

白膠香

香油不拘多少

右件先以香油煎頭髮三五沸去髮入黃蠟白膠香却入龍骨血竭赤石脂攪勻安在水盤內候冷取起以磁器盛之每遇一瘡捻作薄片貼瘡口以竹箬貼在外三日後番過再貼仍服活血藥

又方

用砂糖水煎冬青葉三五沸撈起石壓平將葉貼瘡上日換二次

又方

以頭垢燒灰和棗肉搗作膏先以蔥椒葉煎湯洗
淨用輕粉摻上却以前膏兩傘紙攤貼之

又方

地骨皮

一兩

白蠟

半兩

甘草節

半兩

右以香油入地骨皮甘草節文武火熬熟去粗入黃
丹一兩半緊火熬黑提起白帛攤貼之次用冬青葉
醋煎過以藥貼之

杖瘡疼

黃柏生地黃紫荆皮皆要藥熱血作痛 涼血去

瘀血爲先瀆下雞鳴散之類 生地黄黃栢爲末

童便調傅或加葑汁 不破者以葑菜蔥頭舂碎

炒熟貼冷則易 膏藥紫荆皮乳香沒藥生地黄

黃柏大黃之類

又方

用大黃黃栢爲末生地黄汁調服乾卽再傅

又方

野生苧麻根嫩者不拘多少洗淨同鹽搗傅瘡上

神效傷重多用

癰瘡

防風通聖散去硝黃加浮萍皂角刺 又紫蘇樟

樹蒼耳浮萍煎湯洗

又方

浮萍 一兩 蒼耳 二兩 蒼朮 二兩 苦參 一兩

黃芩 半兩 香附 二錢半

右爲末酒糊丸

又方

蘆薈 大黃 輕粉 雄黃

蛇床子

槿樹皮

檳榔

右爲末先刮癬用米醋調藥末塗之

又方

蘆薈

研二錢

江子

去殼十粒

革麻子

去殼十四粒

斑蝥

七箇去翅足

白蠟

右以香油二兩熬江子革麻斑蝥三藥以黑爲度去

藥入蠟并蘆薈末在內用磁罐盛貯微微刮癬令破

以油塗上過夜略腫卽愈

下疳瘡

蛤粉

蠟茶

苦參

密陀僧

右爲末河水洗淨臘猪油調傅 兼治賺瘡

又方

米泔水洗瘡淨用頭髮以鹽水洗淨去油再用清

湯洗晒乾燒灰傅瘡上卽時生靨

附方

冰霜散 治火燒燎損傷油熱澆傷皮爛肉大痛

寒水石

生

牡礪

煨

明朴硝

青黛

各一兩

輕粉

一錢

右爲末新水調或油調濕則乾貼痛處立止如神

聖粉散 治下疳瘡蝕臭腐爛疼痛不可忍者

黃栢 蜜炙

蜜陀僧

黃丹

高末茶

乳香 各三錢

輕粉 一錢半

麝 少許

右爲末用蔥湯洗瘡後次貼此藥兼治小兒疳瘡

下疳瘡洗藥

黃連

黃栢

當歸

白芷

獨活

防風

朴硝

荆芥

右等分水煎入錢五十文烏梅五箇鹽一匙同煎温

洗日五七次用下藥敷

木香

檳榔

黃連

銅青

輕粉

枯礬

蝶蛸

麝

各等分兩

右為極細末洗後至夜敷上

婦人八十八

婦人經水過期血少也四物加參朮帶痰加南星半夏

陳皮之類 經水不及期而來者血熱也四物加黃連

過期紫黑有塊亦血熱也必作痛四物加香附黃連

過期淡色來者痰多也二陳加川芎當歸 過期而

來乃是血虛宜補血用四物加黃芪陳皮升麻 未及
期先來乃是氣血俱熱宜涼氣血柴胡黃芩當歸白芍
生芩香附之屬 經不調而血水淡色宜補氣血參芪
芎歸香附白芍腹痛加膠珠艾葉玄胡索 經候過而
作痛者乃虛中有熱所以作疼 經水將來作疼者血
實也 一云四物加桃仁黃連香附 臨行時腰疼腹痛
氣滯乃是鬱滯有瘀血宜四物加紅花桃仁莪朮玄胡索香
附木香發熱加黃芩柴胡 紫色成塊者熱也四物加
黃連柴胡之類 痰多占住血海地位因而下多者目

必漸昏肥人如此用南星蒼朮川芎香附作丸子服之
肥人不及日數而多者痰多血虛有熱亦用前丸藥
中更加黃連白朮丸服 血枯經閉者四物加桃仁紅
花 軀脂滿經閉者以導痰湯加黃連川芎不可服地
黃泥膈故也如用以姜汁炒 肥胖飲食過度之人而
經水不調者乃是濕痰宜蒼朮半夏滑石茯苓白朮香
附川芎當歸 臨經來時肚痛者四物湯加陳皮玄胡
索杜丹甘草痛甚者豆淋酒痛緩者童便煮莎入炒條
芩末爲丸 經水去多不能住者以三補丸加莎根龜

板金毛狗脊 陰虛經脈久不通小便澀身體疼痛以
四物加蒼朮牛膝陳皮生甘草又用蒼莎丸加蒼耳酒
芍藥爲丸就煎前藥吞下

大方 治經水過多

黃芩 炒 白芍 炒

龜板 炙各一兩 黃栢 炒三錢

椿樹根皮 七錢半 香附子 二錢半

右爲末酒糊丸空心溫酒或白湯下五十九

又方 治積痰傷經不行夜則妄語

瓜蒌子 一兩 黃連 半兩 吳茱萸 十粒 桃仁 五十箇

紅麴 二錢
砂仁 三兩

右爲末生姜汁化炊餅爲丸桐子大服百丸空心

又方 治一切瘀血爲痛

香附 四兩 醋煮

瓦礫子 煨二兩 醋煮一晝夜

桃仁 二兩

牡丹皮

大黃 熟蒸

當歸 各一兩

川芎

紅花 各半兩

右爲末蒸餅丸如桐子大空心温酒下三五十九

附方

四物湯

治衝任虛損月水不調臍腹疔痛

當歸

川芎

芍藥

熟芩

等分

右以水煎服加減於後

若經候微少漸漸不通手足煩疼漸瘦生潮熱脉
微數本方去地黃芎加澤蘭葉三倍甘草半分

經候過多本方去熟地黃加生芩或只加黃芩白

朮 經行身熱脉數頭昏本方加柴胡芩 經行

微少或脹或疼四肢疼痛加延胡沒藥白芷與本

方等淡醋湯調下末子 經候不調心腹疔痛只

用芎歸二味名君臣散 氣冲經脉故月事頻併

臍下多痛加芍藥 經欲行臍腹絞痛加玄胡檳

榔苦練炒木香減半 經水澁少加葵花紅花

經水適來適斷或有往來寒熱先宜服小柴胡湯

後以四物和之 經候過而作痛血氣俱虛也宜

本方對四君子湯服之

治經事過期不行

玄胡索

錢一

香附

枳殼

各半錢

右為末杜牛膝搗汁半鍾空心調服

交加地黃丸

治經水不調血塊氣痞肚腹疼痛

生芑 一斤

老生姜 一斤

玄胡索

當歸

川芎

白芍 二兩

沒藥

木香 各一兩

桃仁 去皮尖

人參 各一兩半

香附子 半斤

右先將地黃生薑各搗汁以姜汁浸地黃粗地黃汁

浸生薑粗皆以汁盡為度次將餘藥為末共作一處

日乾同為末醋糊丸如桐子大空心服五十九姜湯

下

當歸散

治經脈不通

當歸

川山甲 灰炒

蒲黃 各半兩炒

辰砂 一錢

麝香少許

右為末酒調服二錢

琥珀散 治月水不通心膈迷悶腹藏撮痛

台烏二兩

當歸

莪朮各一兩

右為末空心溫酒調二錢以食壓之產後諸疾炒姜

酒調下

通經丸 治婦人室女經候不通臍腹疼痛或成血瘕

川椒炒

莪朮

乾漆炒烟盡

當歸

青皮

乾姜

大黃煨

桃仁去皮尖炒

川烏炮

桂心各等分

右爲末將一半用米醋熬成膏子和餘藥成劑白中
杵之丸如桐子陰乾每服三五丸醋湯下

嚴氏方無川烏有紅花

紅花當歸散 治婦人血藏虛竭或積瘀血經候不行

時作痛腰膞重疼小腹堅硬及室女經水不行

紅花

當歸尾

紫葳

卽凌霄花

牛膝

甘草

炙

蘇木

各三兩

白芷

桂心

一兩半

赤芍

九兩

劉寄奴

五兩

右爲末空心熱酒調三錢服 一名凌霄花散

導痰湯

見痰類

三補丸

見諸虛類

蒼莎丸

見咳嗽類

越鞠丸

見六鬱類

崩漏八十九

血崩東垣有治法但不言熱其主在寒學者宜尋思之急則治其標用白芷湯調百草霜末甚者用棕櫚灰後用四物湯加炒乾姜調理 因勞者用參芪帶升補

藥 因寒者用乾姜 因熱者黃芩 崩過多者先用

五靈脂末一服當分寒熱蓋五靈脂能行能止 紫色

成塊者熱以四物湯加黃連之類 婦人血崩用香附

白芷丸服 氣虛血虛者皆以四物湯加參芪 漏下

乃熱而虛四物加黃連 崩中白帶用椒目末又用白

芷石灰炒去灰爲末茜草少許粥丸服 一方用生狗

頭骨燒灰存性或酒調服或入藥服 一方五靈脂半

生半炒爲末酒調服 經血逆行或血腥或吐血或唾

血用韭菜汁服效 夫婦人崩中者由臟腑傷損衝任

二脈血氣俱虛故也二脈為經脈之海血氣之行外循
 經絡內榮臟腑若氣血調適經下依時若勞動過極臟
 腑俱傷衝任之氣虛不能約制其經血故忽然而下謂
 之崩中暴下治宜當大補氣血之藥舉養脾胃微加鎮
 墜心火之藥治其心補陰瀉陽經自止矣

附方

小薊湯 治崩中不止

小薊莖葉

研取汁一盞

生芑汁

一盞

白朮

半兩

右三件入水一盞煎溫服

荆芥散 治婦人崩中連日不止

用荆芥穗於燈盞多著燈心好麻油點燈就上燒

荆芥焦色

右爲末每服三錢童便調下

又方

芥葉如雞子大

阿膠半兩

乾姜一錢

右爲粗末用水五盞先煮艾姜後入膠烱消分作二

服空心

如聖散 治婦人血山崩

棕櫚灰

烏梅各一兩

乾姜一兩五分並燒灰存性

右爲末每服二錢烏梅酒調下空心

涼血地黃湯

治婦人血崩是腎水月虛不能鎮守包

絡相火故血走而崩也

黃芩

荆芥

蔓荊子各一分

黃栢

知母

藁本

細辛

川芎各二分

黃連

羌活

柴胡

升麻

防風各三分

生苳

當歸各五分

甘草一錢

紅花炒少許

右作一服水煎空心稍熱服

帶下九十

帶下 赤屬血 白屬氣 主治燥濕為先 漏與帶

俱是胃中痰積流下滲入膀胱無人知此只宜升提甚者上必用吐以提其氣下用二陳湯加蒼朮白朮仍用

丸子 一本作瓦礫子 又云赤白帶下皆屬血出於大腸小腸之

分 肥人多是濕痰海石半夏南星炒栝蒼朮川芎椿

皮一方無椿皮有青黛 瘦人白帶少如有者多熱以

炒黃栢滑石椿皮川芎海石如無海石以蛤粉亦可一

方有青黛作丸子服 赤白帶下炒黃荊子為末酒調

下二錢或米湯亦可又治心痛羅先生法或十棗湯或

神佑丸或玉燭散皆可服實者可行虛者不可峻攻

血虛者加減四物湯 氣虛者參朮陳皮間與之 濕

勝者用固腸丸 相火動者於諸藥中少加黃栢 滑

者加龍骨赤石脂 滯者加葵花 葵花白者治白帶赤者治赤帶 性

燥者加黃連 痰氣帶下者蒼朮香附滑石蛤粉半夏

茯苓丸服寒月少加乾姜臨機應變必須斷厚味

入方

良姜

一兩半

芍藥

黃栢

二錢各炒成灰

椿樹根皮

右爲末粥丸每服四五十九空心

又方 一婦人白帶兼風痛

半夏

茯苓

川芎

陳皮

甘草

蒼朮

黃栢

南星

牛膝

洗酒

治婦人上有頭風鼻涕下有白帶

南星

蒼朮

栢皮

炒

滑石

半夏

川芎

辛夷

牡蠣粉炒

酒芩

右咬咀水煎去粗食前服

又方 治白帶

龜板炙

枳子各二兩

黃栢炒一兩

白芍藥錢七

半

香附兩半

乾姜炒二錢半

山茱萸

苦參

椿根皮各半兩

貝母錢五

右爲末酒糊丸桐子大空心米湯下五十九

又方 治赤白帶下或時腹痛

龜板酒炙二兩

黃栢炒一兩

乾姜炒一錢

枳子二錢半

右爲末酒糊丸如桐子大每服七十九日服二次

又方 治婦人有孕白帶

蒼朮三錢

白芷二錢

黃連炒二錢

黃芩炒三錢

黃栢炒一錢半

白芍二錢半

椿根皮炒一錢半

山茱萸二錢

半

右爲末糊丸空心温酒下五十九

治結痰白帶 先以小胃丹半饑半飽津液下數丸候

鬱積開却宜服補藥

白朮

二兩

黃芩

半兩

紅白葵花

二錢半

白芍

七錢半

右爲末蒸餅丸空心煎四物湯下三五十九

固腸丸 治濕氣下利大便血白帶去脾胃陳積之疾

用此以燥其濕亦不可單用須看病作湯使

椿根白皮

性涼而燥
須炒用

右爲末酒糊丸服

又方

椿根皮

四兩

滑石

二兩

右爲末粥丸桐子大空心白湯下一百丸

又方 治白帶因七情所傷而脈數者

黃連炒

扁栢酒蒸

黃栢炒各半兩

香附醋炒

白芍

白朮各一兩

椿根皮炒三兩

白芷燒存性三

錢

右爲末粥丸桐子大每服七十九食前米飲下

又方 治赤白帶因濕勝而下者

蒼朮鹽炒

白芍

滑石炒各一兩

枳殼炒

甘草各三錢

椿根皮炒二兩

乾姜炮二錢

地榆半兩

右爲末粥丸空心米飲下一百丸

附錄赤白帶者皆因七情內傷或下元虛憊感非一端叔和云崩中日久爲白帶漏下多時骨本枯崩中者始病血崩久則血少亡其陽故白滑之物下流不止是本經血海將枯津液復亡枯乾不能滋養筋骨執劑之法須以本部行經藥爲引用爲使大辛甘油膩之藥潤其枯燥而滋益津液以大辛熱之氣味藥補其陽道生其血脈以寒苦之藥泄其肺而救上熱傷氣以人參補之以微苦溫之藥爲佐而益元氣此

治之大法也

附方

戴人玉燭散 治經候不通腹脹或痛

當歸

芍藥

川芎

熟芩

芒硝

大黃

甘草

右咬咀生姜三片煎服

十棗湯

見脇痛類

神佑丸

見中濕類

產前九十一

產前當清熱養血

產婦因火動胎逆上作喘急者急

用條芩香附之類爲末調下條芩水中取沉者爲佳

墮胎乃氣虛血虛血熱

黃芩安胎乃上中二焦藥能

降火下行

益母草卽茺蔚子治產前產後諸病能行

血養血難產可煎作膏地黃膏牛膝膏皆可用

懷妊

愛酸物乃一臟之虛假如肝臟之虛肝氣止能生胎無

餘用也又云血不能榮其肝肝虛故愛酸物

產前安

胎白朮黃芩爲妙藥也條芩安胎聖藥也俗人不知以

爲害而不敢用反謂溫熱之藥可養胎

胎熱將臨月

以三補丸加炒香附炒白芍蒸餅丸服 抑熱以三補

丸用地黃膏丸倘有孕八九箇月必用順氣須用枳殼

紫蘇梗 凡妊婦脈細勻易產大浮緩火氣散難產

生產如抱瓶過壩一般

入方 固胎

地黃 半錢

歸身

人參

白芍 各一錢

白朮 半錢

川芎 五分

陳皮 一錢

黃芩 半錢

甘草 三分

黃連 少許

黃栢 少許

桑上羊兒

藤 七葉者

一本無芩

右咬咀每二錢入糯米二十四粒煎服 血虛不安者用阿膠 痛者用砂仁止痛安胎行氣故也

東胎丸 第八箇月可服

炒黃芩 夏一兩春秋七錢半冬半兩

白朮 二兩不見火 茯苓 七錢半不見火

見火 陳皮 三兩忌火

右為末粥丸服

達生散 又名東胎散

大腹皮 三錢

人參

陳皮 各半錢

白朮

芍藥 各一錢

紫蘇 莖葉半錢

甘草 炙三錢

歸身尾 一錢

右作一服入青葱五葉黃楊腦七箇此卽黃楊樹葉
梢兜也或加枳殼砂仁以水煎食後服於八九箇月
服十數貼甚得力 夏月加黃芩冬不必加春加川
芎或有別証以意消息於后

氣虛加參朮 氣實倍香附陳皮 血虛倍當歸加

地黃 形實倍紫蘇 性急加黃連 有熱加黃芩

濕痰加滑石半夏 食積加山查 食後易饑倍

黃楊腦 有痰加半夏 腹痛加木香桂

又方 第九箇月服

黃芩 一兩酒炒不宜涼 藥怯弱者減半
白朮 二兩
枳殼 炒七錢

滑石 七錢半臨月十日前 小便多者減此一味

右為末粥丸桐子大每服三十九空心熱湯下多則

恐損元氣氣實人宜服

又方 安胎

白朮 黃芩 炒麩

右為末粥丸服 一本云用條芩一二兩為末每一

錢或半錢濃煎白朮湯調下每次用白朮五七錢煎

湯

惡阻從痰治 多用二陳湯

戴云惡阻者謂婦人有孕惡心阻其飲食者是也肥者有痰瘦者有熱須用二陳湯

入方

白朮 不拘多少

右爲末水丸隨所好或湯或水下

子腫 濕多

戴云子腫者謂婦人手足或頭面通身浮腫者是也

入方

山梔子炒用
一合

右爲末米飲吞下或丸服

三因鯉魚湯 治妊娠腹大胎間有水氣

白朮五兩

茯苓四兩

當歸

芍藥各三兩

右細剉以鯉魚一頭修事如食法煮取汁去魚不用
每服四錢入魚汁一盞半姜七片陳皮少許煎至七
分去粗空心服

胎漏 氣虛 血虛 血熱 可服固孕之藥

戴云胎漏者謂婦人有胎而血漏下者

參朮飲 治妊娠轉胞

四物湯加人參

白朮

半夏制

陳皮

甘草

右咬咀入生姜煎空心服

附方

治胎動不安已有所見

艾葉

阿膠

當歸

川芎

各三兩

甘草

一兩

右每服五錢水煎熟下膠令烱温服

膠艾湯 損動胎去血腹痛

艾葉

阿膠

右二味水煎服

難產氣血虛故也此蓋九月十月之際不謹守者有之
亦有氣血凝滯而不能轉運者臨月時服野天麻熬膏
白湯調下油蜜小便和極勻治難產

入方

砂仁

香附

醋煮

枳殼

甘草

右爲末湯調又以香油蜜小便和勻各半盞調益母

草末

催生

白芷灰

四土百草霜三滑石

白黃金肉干

右爲末用芎歸煎湯調下或姜汁服

天麻丸 易產

天麻

即益母草六月間連根採陰乾

右爲末不拘多少煉蜜丸如圓眼大臨產時温酒或

白湯化一丸能除產後百病

附方

催生如聖散

白黃葵花

不拘多少焙乾

右為末熱湯調下二錢神妙 或有漏血胎臙乾澁

難產痛劇者併進三服良久腹中氣寬胎滑即時產

下如無花只以蜀葵子爛研小半合以酒調尤妙

亦治打撲傷損如胎死不下煎紅花溫酒調下 經

驗方用子四十九粒或三十粒歌曰黃金內子三十

粒細研酒調能備急命若懸絲在須臾即令眷屬不

悲泣

又方

蛇蛻

一條
全者

蠶脫紙

一張
方無

右入新瓮中鹽泥固濟燒存性為末煎榆白皮調下

一錢三服覺痛便產

又方

治產難兼治胞衣不下并死胎

草麻子七粒去殼研細成膏塗脚心胞衣即下速

洗去不洗腸出却用此膏塗頂上腸自縮入如神

之妙

又方

臈月兔頭

一枚
燒灰

右爲末葱白湯調二錢立生

又方 治難產三日不下

伏龍肝細研每服一錢酒調服之 又或吞雞子黃

三箇并少苦酒服之立生 又或用赤小豆二升水

九升煮取一升汁入炙了明黃膠一兩同煎少時一

服五合 又用槐子十四枚卽下 又方當歸爲末

酒調方寸匕服

胞衣不下

取竈屋黑塵研爲細末酒調方寸匕服

產後九十二

產後無得令虛當大補氣血爲先雖有雜証以末治之
一切病多是血虛皆不可發表 產後不可用芍藥以

其酸寒伐生發之氣故也 產後血暈因虛火載血上

行漸漸暈來方用鹿角燒灰出火毒研極細末好酒同

童便嚥下一呷卽醒行血極快 又方以韭葉細切盛

於有嘴瓶中以熱醋沃之急封其口以嘴塞產婦鼻中

可愈眩冒 產後中風切不可作風治必大補氣血爲

主然後治痰當以左右手之脈分其氣血多少而治

產後中風口眼喎斜切不可服小續命湯 產後水腫

必用大補氣血爲主少佐蒼朮茯苓使水自利 產後

大發熱必用乾姜輕者用茯苓淡滲其熱一應寒苦并

發表之藥皆不可用 產後發熱惡寒皆屬血虛 左

手脈不足補血藥多於補氣藥 惡寒發熱腹痛者當

去惡血腹滿者不是 產後發熱乳汁不通及膨者無

子當消用麥孽二兩炒研細末清湯調下作四服 有

子者用木通通草猪蹄煎服 凡產後有病先固正氣

前條云產後大熱必用乾姜或曰用姜者何也曰此熱非有餘之熱乃陰虛生內熱耳故以補陰藥大劑服之且乾姜能入肺和肺氣入肝分引血藥生血然不可獨用必與補陰藥同用此造化自然之妙非天下之至神孰能與於此乎 產後脈洪數產前脈細小澁弱多死懷孕者脈主洪數已產而洪數不改者多主死入方 產後補虛

人參

白朮

茯苓

歸身尾

一錢

一錢

一錢

陳皮

川芎

甘草

炙三

各半錢

分

有熱加黃芩一錢生姜三片

右以水煎服

產後消血塊

滑石三錢

沒藥二錢

血竭二錢如無以牡丹皮代之

右為末醋糊丸

如惡露不下以五靈脂為末神麩

丸白朮陳皮湯下

五壠子能消血塊

又方

血竭

靈脂

右為末消產後血塊極好

又方 治產後世瀉

黃芩

白朮

川芎

茯苓

乾姜

滑石

陳皮

炒芍藥

甘草 炙

右咬咀水煎服

又方 治產後惡露不盡小腹作痛

五靈脂

香附

一方加蛤粉

右爲末醋糊丸甚者入桃仁不去尖用

獨行丸

治婦人產後血衝心動及治男子血氣心腹

痛有孕者忌服

五靈脂 去土半 炒半生

右為末水丸彈子大每一丸或酒或姜湯化下

參朮膏 治產後胞損成淋瀝証

人參 二錢半

白朮 二錢

桃仁

陳皮 各一錢

黃芪 一錢半

茯苓

甘草 炙半錢

右以咀水煎猪羊胞後入藥作一服

附錄產後血暈者皆由敗血流入肝經眼見黑花頭

目旋暈不能起坐甚至昏悶不省人事謂之血暈用

酒調黑神散最佳切不可作中風治之凡血暈皆血
乘虛逆上奏心故昏迷不省氣閉欲絕是也古法有
云產婦纔分娩了預燒秤錘或江中黃石子硬炭燒
令通赤置器中急於床前以醋沃之得醋氣可除血
暈或以好醋久塗口鼻乃置醋於傍使聞其氣兼細
細少飲之此爲上法也 又法以乾漆燒烟熏產母
面卽醒無乾漆以破漆器亦可

附方

清魂散 治血迷血暈

澤蘭葉

人參 各二錢半

荆芥 一兩

川芎 半兩

甘草 二錢

右為末用溫酒熱湯各半盞調一錢急灌之下咽即

開眼

黑神散

黑豆 炒半升

熟苳

當歸

肉桂

乾姜

甘草

白芍

蒲黃 各四兩

生芩 別本無

右為末每服二錢童便酒各半調服一名烏金散

子嗣九十三

附斷
子法

若是肥盛婦人稟受甚厚恣於酒食之人經水不調不能成胎謂之軀脂滿溢閉塞子宮宜行濕燥痰用星夏蒼朮台芎防風羌活滑石或導痰湯之類

若是怯瘦性急之人經水不調不能成胎謂之子宮乾澁無血不能攝受精氣宜涼血降火或四物加香附黃芩柴胡養血養陰等藥可宜 東垣有六味地黃丸以補婦人之陰血不足無子服之者能使胎孕出試効方斷子法用白麩麩一升無灰酒五升作糊煮至二升半

瀘去粗分作三服候經至前一日晚次早五更及天明
各喫一服經卽不一無行終身無子矣

小兒九十四

乳下小兒常多濕熱食積痰熱傷乳爲病大概肝與脾
病多 小兒易怒肝病最多大人亦然肝只是有餘腎
只是不足

小兒初生未經食乳急取甘草一寸火上炙熟細切置
地上出火毒一時許用水一小盞熬至三分之一去滓
用新綿蘸滴兒口中令嚙盡須臾吐痰及瘀血方與乳

食年長知睿無病

小兒急慢驚風發熱口禁手心伏熱痰熱咳嗽痰喘此類証並用湧法吐之重劑瓜蒂散輕劑用苦參赤小豆末須蝦蟇汁調服之後用通聖散爲末蜜丸服間以桑樹上牛兒陰乾焙末調服以平其氣 驚有二証 一者熱痰主急驚當吐瀉之 一者脾虛乃爲慢驚所以多死當養脾 急驚只用降火下痰養血 慢驚者先實脾土後散風邪只用硃砂安神丸更於血藥中求之 小兒驀然無故大叫作發者必死是火大發則虛其

氣故也

入方黑龍丸 治小兒急慢驚風

牛膽南星 青礞石 煅硝等分 煨各一兩

天竺黃

青黛 各半 兩 蘆薈 二錢 半 辰砂 三錢

殭蠶 半錢

蜈蚣 一錢半 燒存性

右爲末甘草煎膏丸如雞頭大每服一二丸急驚煎

姜蜜薄荷湯下慢驚煎桔梗白朮湯下

治驚而有熱

人參 茯苓 白芍 酒炒 白朮

右咬咀姜煎夏月加黃連生甘草竹葉

附方

神聖牛黃奪命散

檳榔兩半

木香三錢

大黃二兩 麩裹煨熟為末

白牽牛一兩一分 炒半生用

黑牽牛粗末 炒一分半生

右為一處研作細末入輕粉少許每服三錢用蜜漿

水調下不拘時候微利為度

通聖散

見斑疹類

硃砂安神丸

見驚悸類

瓜蒂散

見疸類

疝病或肚大筋青

胡黃連丸 治疝病腹大

胡黃連

五分去
果子積

阿魏

一錢半醋
浸去肉積

神麴

二錢去
食積

麝香

四粒

炒黃連

二錢去
熱積

右爲末猪膽汁丸如黍米大每服二三十丸白朮湯

送下 又云胡黃連丸十二粒白朮湯下

五積丸 治小兒諸般疝積

丑頭末

一兩

黃連

半兩

陳皮

一兩

青皮

半兩

山查兩半

右炒焦黑色爲末每用巴豆霜半錢前藥末半錢宿
蒸餅丸麻子大小兒二歲十丸五更姜湯下至天明
大便秘爲度温粥補之未利再服三五丸

烏犀丸

丑頭末三兩

青皮三兩

史君子肉七錢半

白蕪荑一錢半 鶴虱五錢

蘆薈二錢另研 燒紅醋淬

苦練根皮兩半

右炒令焦黑色爲末麴丸麻子大每三五十九米飲

送下食前量小兒大小加減

黃龍丸

三稜三兩

黑角莪朮三兩 青皮一兩半

山查肉七錢

半

乾姜七錢半

右用麩丸麻子大日晒乾食後姜湯下量兒大小加

減 烏犀黃龍間服食前服烏犀食後服黃龍

肥兒丸 治小兒疳積

蘆薈另研

胡黃連三錢

炒麩四錢

黃連

白朮

山查炒半兩

蕪荳炒三錢

右爲末蘆薈末和勻猪膽汁丸粟米大每六十九食

前米飲下

疳黃食積

白朮

黃連

苦參

山楂

等分

右爲末麩糊丸麻子大食後白湯下十五丸

食傷胃熱重蒸

白朮

一兩

半夏

黃連

半兩

平胃散

二兩

右用粥丸食後白湯下二十丸

附錄小兒疳病者小兒臟腑嬌嫩飽則易傷乳哺飲

食一或失常不爲疳者鮮矣疳皆因乳食不調甘肥無節而作也或嬰幼缺乳粥飯大早耗傷形氣則疳之根生延及歲月五疳病成甚者曾陷喘噦乳食直瀉腫滿下利腹脇脹疼皮發紫瘡肌肉光紫與夫疳勞渴瀉面稿色天骨露齒張肚硬不食者皆危篤矣凡此等類盧扁復生難施其巧

附方

集聖丸 治小兒疳通用

蘆薈

五靈脂

好夜明砂

焙

砂仁

陳皮

青皮

莪朮

煨

木香

史君子

煨各二錢

黃連

蝦蟇

日乾炙焦各三分

右爲末用雄猪膽二枚取汁和藥入糕糊丸麻子大

每服十五丸米飲送下

大蘆薈丸

治諸疔

蘆薈

蕪荑

木香

青黛

檳榔

黃連

炒二錢半

蟬殼

二十枚

黃連

兩半

麝香

少許

右爲末猪膽汁二枚取汁浸糕爲丸麻子大每服二

十丸米飲下

褐丸子 治疳腫服

蘿卜子

炒一兩

陳皮

青皮

檳榔

黑丑

半生半熟

五靈脂

赤茯苓

莪朮

煨各半兩

木香

半錢

右爲末麪糊丸菜豆大每服十五丸煎紫蘇桑皮湯

下

子熱

炒芍藥

香附

滑石

兩

甘草

三錢

黃連二錢

右作四服水一鍾半生姜三片煎乳母服

風痰

南星

一兩切用白礬末半兩水
泡一措厚浸晒乾研細入

白附子二兩

右為末飛白麴糊丸如芡實大每服一二丸姜蜜薄

荷湯化下

白附丸

牛膽星

一兩須用黃牯牛胆臘月粉南星親手脩
合風乾隔一年用牛胆須入三四次者佳

大陳半夏

半兩粉白南星
一兩切作片用臘雪
水浸七日去水晒乾

枯白礬二錢半

右爲末宿蒸餅丸如梧子大用姜汁蜜湯送下有熱

加薄荷葉

紫金泥 治小兒哮喘不止端午日脩合

黑椒四十九粒浸透去皮研如泥次入

人言一錢

鵞管石一錢

右爲末丸如黍米大朱砂爲衣每一丸或二丸量兒

大小空心冷茶清下當日忌生冷葷腥熱物服藥病

止後更服白附丸三五貼

小兒腹痛多是飲食所傷宜

白朮

陳皮

青皮

山查

神麩

麥孽

砂仁

甘草

受寒痛者加藿香吳茱萸 有熱加黃芩

小兒腹脹

蘿卜子 蒸

紫蘇梗

乾葛

陳皮 等分

甘草 減半

食減者加朮煎服

小兒好與粽成腹脹疼用白酒麩末同黃連末為丸服

之愈

又方

茯苓皮

陳皮

赤小豆

蘿卜子

炒

木通

各半錢

木香

二分

甘草

些少

右咬咀姜一片煎服

附錄小兒腹痛多因邪正交爭與臟氣相擊而作也

挾熱作痛者以面赤或壯熱四肢煩手足心熱見之

挾冷作痛者以面色或白或青見之冷甚而証變則

面色黧黑唇爪甲皆青矣熱証宜四順清涼飲加

青皮枳殼冷証指迷七氣湯冷熱不調以桔梗

枳殼湯加青陳皮木香當歸

小兒吐瀉黃疸

三稜

莪朮

青皮

陳皮

神麩炒

茯苓

麥蘖

黃連

甘草

白朮

右爲末調服

傷乳食吐瀉加山查

時氣吐瀉加

滑石

發熱加薄荷

夏月小兒吐瀉用益元散錢氏五補五瀉之藥俱可

用吐瀉腹疼吐乳調脾以平胃散入熟蜜加蘇合

香丸名萬安膏用米湯化下 夏月熱病六一散最

妙

小兒痢疾

黃連

黃芩

陳皮

甘草

右以水煎服 赤痢加紅花桃仁 白痢加滑石末

又方 治小兒食積痢

炒神麩

蒼朮

滑石

白芍

黃芩

白朮

甘草炙

陳皮

右咬咀水煎下保和丸 一方加茯苓

小兒赤痢壯熱用藍青搗汁每服半盞與之妙

附錄凡小兒痢疾亦作食積論初得之時宜用木香
檳榔丸下之後用白朮白芍藥黃芩甘草滑石如裏
急後重加木香檳榔枳殼久不止者用肉豆寇粟殼
炒黃小兒赤班紅班瘡痒癩疹並宜用防風通聖散
爲末調服

小兒口糜

戴云謂滿口生瘡者便是

江茶

粉草

右爲末敷之一方用黃丹

又方

苦參

黃丹

五倍子

青黛

右等分爲末敷之

又方

青黛

芒硝

右爲末敷口中

又方

黃栢

細辛

青鹽

右等分爲末噙之吐出涎不過三日愈亦治大人
治毒口瘡五倍子黃丹甘草江茶芒硝等分爲末敷
之

龜膏

蒼朮

酒栢

酒芍藥

陳皮

防風

威靈仙

山查

當歸

痢後加生芋

小兒夜啼此是邪熱乘心

黃連

姜汁炒

甘草

一錢

右用竹葉一十片煎服 又方加人參二錢半作二

服入姜一片水煎

又法夜啼不止潛取捕雞窠草一握置小兒身下

附錄夜啼小兒臍冷也陰盛於夜則冷動冷動則為
陰極發燥寒盛作疼所以夜啼而不歇

附方

鈎藤散 治小兒夜啼

- 鈎藤
- 茯苓
- 茯神
- 川芎

- 當歸
- 木香各一錢
- 甘草各五分

右爲末每服一錢姜棗略煎服 又燈草燒灰塗傅

乳上與之

小兒脫肛

戴云脫肛者大腸脫下之說

脫囊卽外腎腫大

戴云脫囊者陰囊腫大墜下不收上之說 或云潰

爛陰丸脫出

入方

木通

甘草

黃連炒

當歸

黃芩炒

右以水煎服

又方 治脫肛用東北方陳壁土泡湯先熏後洗

又方 治脫囊

紫蘇莖葉爲末乾敷如爛用香油調鷺翎刷 又

用青荷葉包上

小兒木舌

戴云木舌者舌腫硬不和軟也又言重舌者亦是此

類二者皆是熱病

入方

百草霜

芒硝

滑石

右爲末酒調敷之

重舌用好胆礬研細敷之

咯血

戴云咯紅者卽唾內有血非吐血與咳血

入方

黑豆

甘草

陳皮

右煎服

小兒尿血

甘草湯調益元散加升麻煎服尤妙

小兒喫泥胃氣熱故也

入方

軟石膏

黃芩

陳皮

茯苓

白朮

甘草

右用水煎服

又方

膩粉一錢砂糖和丸如麻子大米飲下一丸瀉出土

立瘥

小兒解顱乃是母氣虛與熱多耳

戴云卽初生小兒頭上骨未合而開者

入方

四君子與四物子母皆可服 有熱加酒炒黃芩

連生甘草煎服外用帛束緊用白斂末傅之

小兒吐蛭虫

以苦練根爲君佐以二陳湯煎服

小兒冬月吐蛭多是胃寒胃虛所致錢氏白朮散加丁

香二粒

附方

錢氏白朮散

藿香 甘草 白朮 白朮末 木香 白朮末 白茯苓

甘草 人參 各一錢 乾葛 二錢

右為末每一錢至二錢水煎服

小兒口噤

治法用搐鼻方

鬱金

藜蘆

瓜蒂

右爲末水調搗之

小兒禿頭

用白灰燒紅淬長流水令熱洗之內又服酒製通

聖散除大黃另用酒炒入研爲末再用酒拌乾每

服一錢水煎頻服 外又用胡葵子伏龍尾即梁上灰

塵黃連白礬爲末油調傅

又方

松樹厚皮燒灰黃丹水飛一兩寒水石一兩白礬細研枯

黃連 大黃各半兩白膠香熬飛傾石上三兩

輕粉 四盞或云一分

右為末熬熟油調傳瘡上須先洗了瘡痂傳之佳

又方 治小兒癩頭并身癩等症

松皮 燒灰

白礬 白膠香 枯礬

大黃

黃栢

右為末用熟油調敷

小兒頭瘡

臘猪油

半生半熟 雄黃

水銀 等分

右研和勻洗淨敷瘡上

又方

川芎

酒片苓

酒白芍

陳皮

兩半

酒白朮

酒歸

酒天麻

蒼朮

蒼耳

七錢半

酒栝

酒粉草

防風

三錢

右爲末水盪起煎服日四五次服後睡片時

又方 單治頭瘡

松樹皮

厚者燒炭二兩

白膠香

熬沸傾石上二兩

黃丹

一兩火飛

白礬

火飛半兩

黃芩

黃連

大黃

各三錢

蛇床子

寒水石

三錢

白芷

無名異炒少許木香少許痛者用輕粉

右為極細末熬熟油調敷瘡上須洗淨瘡去痂傳之

佳

又小兒瘡

猪牙卓角去皮胡椒些少枯礬 輕粉

右為末樟腦燭油搽七日如櫻桃膿窠去椒

小兒臍腫汗出

用枯白礬為末敷或黃栢為末傳之 又小兒臍

不乾伏龍肝塗

小兒天火丹臍腹起者赤溜不妨

蚯蚓泥炒調敷

小兒赤溜

主傷血熱

用生芩木通荆芥苦藥帶表之類外以芭蕉油塗
患處芒硝濃煎汁洗之 又方雞子清調伏龍肝

傅之

小兒耳後月蝕瘡

黃連

枯白礬

右為末傅之

丹溪心法 卷五 三十一
小兒鼻赤

雄黃

黃丹

右同為末無根水調傅之 又蒼耳葉酒蒸焙乾為

末調服最解食毒 又鼻下一道赤者名曰蠶以黃

連末傅之

辛夷膏 專治小兒鼻流清涕不止

辛夷葉

一兩洗淨焙乾

細辛

木通

白芷

各半兩

杏仁

一兩去皮研如泥

木香

兩半

右為細末次用杏仁泥羊骨髓猪脂各一兩同諸藥

和勻於瓦石器中熬成膏赤黃色爲度於地上放冷
入腦麝各一錢拌勻塗額門上每用少許塗鼻中
小兒變蒸是胎毒散也

乳兒瘡疾痞塊

川芎

錢二

生芫

白芍

錢一

陳皮

半夏

炒芩

錢一

甘草

分二

右作一服姜三片就煎下甲末半錢

痘瘡九十五

痘瘡分氣虛血虛用補

氣虛者人參白朮加解毒藥

血虛者四物湯中加解毒藥 凡痘瘡初出之時色白

者便用大補氣血參朮芪芎升麻乾葛草木香丁香酒

洗當歸白芍若大便瀉加訶子肉豆寇酒炒芩連名解

毒藥 但見紅點便忌葛根湯恐發得表虛也 吐瀉

食少爲裏虛 不吐瀉能食爲裏實裏實而補則結癰

毒 陷伏倒靨爲表虛灰白者亦表虛或用燒人屎紅

活綻凸爲表實表實而更復用表藥則反潰爛不結痂

吐瀉陷伏二者俱見爲表裏俱虛 黑陷甚者亦用燒

人屎蜜水調服出子和方 痘瘡初出時或未見時人

有患者宜預服此藥多者令少重者令輕方以絲瓜近
蒂三寸連皮子燒灰存性爲末沙糖拌乾喫入硃砂末
尤妙 痘瘡分人清濁就形氣上取勇怯 黑陷二種
因氣虛而毒氣不能盡出者酒炒黃芪酒紫草人參

顏色正者如上治將欲成就却色淡者宜助血藥用當
歸川芎酒洗芍藥之類或加紅花 將成就之際却紫
色者屬熱用涼藥解其毒升麻葛根黃連黃芩桂枝連
翹之類甚者犀角大解痘毒 爐灰白色靜者怯者作
寒看 勇者燥者熾發者作熱看 痘瘡鼠粘子連翹

丹溪小法 卷三
山查甘草此四味始終必用之藥 全白色將靨時如

豆殼者蓋因初起時飲水多其靨不齊俗呼倒靨不好
但服實表之劑消息以大小便如大便秘通大便小便
秘通小便 有初起煩燥譫語狂渴引飲若飲水則後
來靨不齊急以涼藥解其標如益元散之類亦可服

痒塌者於形色脈上分虛實實則脈有力氣壯虛則脈
無力氣怯 輕者用淡蜜水調滑石末以羽潤瘡上

虛痒者以實表之劑加涼血藥 實痒如大便不通者
以大黃寒涼之藥少許與之下其結糞 踈則無毒密

則有毒宜涼藥解之雖數十貼亦不妨無害眼之患

瘡乾者宜退火濕者用瀉濕退火止用輕劑荆芥升麻

葛根之類瀉濕乃肌表間濕宜用風藥白芷防風之類

如痘瘡傷眼必用山梔決明赤芍歸尾芩連防風連

翹升麻桔梗作小劑末調服如眼無光過百日後血氣

復自明 痘癰多是實毒血熱成癰分上下用藥一日

不可緩已成膿必用涼藥爲主赤芍甘草節連翹桔梗

上引用升麻葛根下引用檳榔牛膝助以貝母忍冬

草白芷瓜蔓之類 大便燥用大黃發寒熱用黃芩黃

栝 痘瘡黑屬血熱涼血為主 白屬氣虛補氣為主

中黑陷而外白起得遲者則相兼而治初起時自汗

不妨蓋濕熱薰蒸而然故也 痘風分氣血虛實以日

子守之多帶氣血不足 虛則黃芪生血活血之劑助

之略佐以風藥實則白芍為君黃芩亦為君佐以白芷

連翹續斷之類若屬寒陳氏方可用

入方 解痘瘡毒

絲瓜

升麻

酒芍藥

生甘草

黑豆

山查

赤小豆

犀角

右水煎服

又方 治痘瘡已出未出皆可服

硃砂

右爲末蜜水調服多者可減少者可無

痘瘡敷藥

貝母

南星

僵蠶

天花粉

寒水石

最多

白芷

草烏

大黃

猪牙皂角

右爲末醋調敷之

附錄小兒瘡疹大抵與傷寒相似發熱煩燥臉赤唇紅身痛頭疼乍寒乍熱噴嚏呵欠嗽喘痰涎傷寒証候類有之始發之時有因傷風寒而得者有時氣傳染而得者有因傷食嘔吐而得者有因跌撲驚恐蓄血而得者或爲竄眼禁牙驚搐如風之証或口舌咽喉腹肚疼痛或煩燥狂悶昏睡或自汗或下痢或發熱或不發熱證候多端卒未易辨亦須以耳冷骭冷足冷驗之蓋謂瘡疹屬陽腎臟無証耳與骭足俱屬於腎故腎之所部獨冷疑似之間或中或否不若視

其耳後有紅脈赤纒爲眞於此可以稽驗矣調護之
法首尾俱不可汗下但溫涼之劑兼而濟之解毒和
中安表而已如欲解肌乾葛紫蘇可也其或小兒氣
實煩燥熱熾大便秘結則與犀角地黃湯或人參敗
毒散輩又或紫草飲多服亦能利之故前說大便不
通者少與大黃尤宜仔細斟酌之慎之可也若小便
赤少者分利小便則熱氣有所滲而出凡熱不可驟
遏但輕解之若無熱則瘡又不能發也 凡已發未
發並與紫蘇飲爲當虛者益之實者損之冷者溫之

熱者平之是爲權度借喻而言亦如庖人籠蒸之法
但欲其鬆耳如苟妄汗則榮衛旣開轉增瘡爛妄下
則正氣內脫變而歸腎身體振寒耳骹反熱眼合肚
脹其瘡黑壞十無一生錢氏云黑陷青紫者百祥丸
下之不黑者謹勿下余知其所下者瀉膀胱之邪也
又云下後身熱氣溫欲飲水者可治水穀不消或寒
戰者爲逆余知其脾强者土可以治水也百祥丸太
峻當以宣風散代之瀉後溫脾則用人參茯苓白朮
等分厚樸木香甘草各半爲妙蓋瘡發肌肉陽明主

之脾土一溫胃氣隨暢獨不可消勝已泄之腎水乎
此錢氏不刊之秘旨也 朱氏曰瘡疹已發未發但

不可踈轉此爲大戒又曰瘡疹首尾皆不可下輒用
利藥則毒氣入裏殺人以此觀之瘡疹証狀雖與傷
寒相似而瘡疹治法實與傷寒不同傷寒所傳從表
入裏瘡疹所發從裏出表蓋毒根於裏若下之則內
氣一虛毒不能出而返入焉由是土不勝水黑陷者
有之毒發於表若汗之則榮衛一虛重令開泄轉增
瘡爛由是風邪乘間變証者有之汗下二說古人所

深戒也

調解之法活血調氣安表和中輕清消毒

溫涼之劑二者得兼而已

溫加當歸黃芪木香輩

涼如前胡乾葛升麻輩佐之以川芎芍藥枳殼桔梗

羌活木通紫草甘草之屬則可以調適矣 但小兒

凡覺身熱証似傷寒若未經瘡痘疑似未明且先與

惺惺散參蘇飲或人參羌活散輩 熱甚則與升麻

葛根湯人參敗毒散瘡痘已出則少與化毒湯 出

不快者加味四聖散紫草飲子紫草木香湯紫草木

通湯或快班散絲瓜湯 出太甚者人參敗毒散犀

角地黃湯 小便赤澁者大連翹湯甘露飲麥門冬

五苓散 大便秘結內煩外熱者小柴胡湯加枳殼

最當或少少四順清涼飲若咽喉痛者大如聖湯鼠

粘子湯 喘滿氣壅者麻黃黃芩湯 胸腹脹滿者

枳殼桔梗湯二陳加枳殼湯 煩渴者甘草散烏梅

湯 下利嘔逆者木香理中湯甘草乾姜湯 陷入

者加味四聖散更以胡荽酒薄傅其身厚傅其足噴

其衣服併以厚綿蓋之若猶未也獨聖散入麝香老

酒調劑或不用酒則木香煎湯若其瘡已黑乃可用

錢氏宣風散加青皮主之。然而瘡疹用藥固有權度大小二便不可不通其有大便秘利所下黃黑則毒氣已減不必多與湯劑但少用化毒湯可也。或不
用亦可若大小二便一或閉焉則腸胃壅塞脈絡凝滯毒氣無從而發泄眼閉聲啞肌肉皨然不旋踵而
告變矣。其壞瘡者一曰內虛泄瀉二曰外傷風冷
三曰變黑歸腎。春夏爲順秋冬爲逆。凡痘瘡初
出之時須看胸前若稠密急宜消毒飲加山查黃芩
酒洗紫草減食加人參。凡痘瘡初欲出時發熱鼻

尖冷呵欠咳嗽面赤方是痘出之候便宜服升麻葛
根湯加山查大力子其瘡稀踈而易愈凡痘瘡發
熱之時便宜惡實子爲末蜜調貼顙門上免有患眼
之疾近世小兒痘瘡上黨陳文中木香散異攻散
殊不知彼時立方之時爲運氣在寒司天時令又值
嚴冬大寒爲因寒氣鬱遏痘瘡不紅綻故用辛熱之
劑發之今人不分時令寒熱一概施治誤人多矣時
值溫熱山野農家貧賤之人其或偶中也

附方

犀角地黃湯

犀角

一兩

生芩

二兩

赤芍

三分

牡丹皮

一兩

右咬咀三歲兒三錢水煎

人參敗毒散

人參

茯苓

甘草

炙

前胡

川芎

羌活

獨活

桔梗

柴胡

已上並去苗蘆

枳殼

麩炒去穰各半兩

右爲粗末每服二錢水一盞姜二片薄荷少許煎溫

服

紫草飲子

紫草

兩

右剉細百沸湯大碗沃之蓋定勿令氣出逐旋溫服

紫草能導大便發出亦輕

百祥丸

紅牙大戟不拘多少陰乾漿水煮極軟去骨日中

曝乾復內元汁中煮汁盡焙為末水丸如粟米大

每服一二十丸研赤脂麻湯下無時

宣風散

宣風檳榔二箇

陳皮

甘草各半兩

黑丑四兩半生

半熟

右爲末每一錢量大小與服蜜湯調下水煎粟米大

惺惺散 治小兒風熱及傷寒時氣瘡疹發熱

白茯苓

細辛

桔梗

瓜蘖根

人參

甘草炙

白朮

川芎等分

右爲末每一錢水煎入薄荷三葉同煎服

參蘇飲

前胡

人參

蘇葉

乾葛

半夏

湯泡七次
姜汁制

茯苓

枳殼

陳皮

甘草

桔梗

右剉姜棗煎微熱服

人參羌活散

羌活

獨活

柴胡

人參

川芎

枳殼

茯苓

前胡

北梗

天麻

地骨皮

甘草

半

加麻黃薄荷葱白煎服

汗後尙熱宜服此去麻黃

加紫草如已見三五點加紫草陳皮赤芍使熱退瘡
出亦輕更調辰砂末半錢以制胎毒

升麻葛根湯

乾葛

升麻

白芍

甘草
炙各四兩

右粗末每服四錢水一盞半煎一盞溫服

化毒湯 瘡痘已發以此消毒

紫草茸

半兩

升麻

甘草

右剉散每服一錢糯米五十粒同煎服

加味四聖散

紫草

木通

黃芪

川芎

木香

等分

甘草

炙減半

右爲粗末水煎

大便秘加枳殼大便如常加糯米

百粒 楊氏曰糯米能解毒發瘡

紫草木香湯

紫草

木香

茯苓

白朮

等分

甘草

炙少許

入糯米煎服

楊氏云紫草能利大便白朮木香佐

之

紫草木通湯

紫草

人參

木通

茯苓

糯米等分

甘草減半

右剉煎二錢温服内虛大便利者可入南木香去紫

草

快班散

紫草

蟬殼

人參

白芍

各一分

木通一錢

甘草炙半錢

右剉散煎一錢温服

又方

紫草茸

錢五

陳皮

錢二

黃芪

錢三

赤芍

錢五

甘草

錢三

右剉加糯米百粒煎三歲已上服三錢已下一錢服

後瘡徧勻四肢佳服

絲瓜湯

絲瓜連皮燒存性爲末湯調
楊氏云發痘瘡最

妙或加甘草紫草

大連翹湯

大蘇連翹

瞿麥

荆芥

木通

車前

當歸

防風

柴胡

赤芍

滑石

蟬脫

甘草

炙各一錢

黃芩

山梔子

各半錢

右剉每服加紫草煎

甘露飲子

生芩

熟芩

天門冬

去心

麥門冬

去心

枇杷葉

去毛

枳殼

麩炒去穰

黃芩

石斛

山茵陳

甘草

炙各等分

右剉每二錢水一盞煎八分食後服

五苓散

見中暑類

小柴胡湯

見瘧類

四順清涼飲

當歸

赤芍

大黃

虛者煨實者生

甘草

一方加陳皮糯米煎

如聖飲子

桔梗

甘草

生

鼠粘子

炒各二錢

麥門冬

三錢

右末竹葉煎二三錢

一方加荆芥防風重者竹瀝

同煎

鼠粘子湯

鼠粘子

炒四錢

荆芥穗

二錢

甘草

一錢

防風

半錢

右爲細末沸湯點服去防風名消毒散

麻黃黃芩湯

麻黃

三錢

赤芍

黃芩

各二錢半

甘草

炙

桂枝

各半錢

右爲粗末煎

桔梗枳殼湯

枳殼

桔梗各二兩

甘草炙半兩

右劉姜煎

甘草散

甘草炙

瓜蒌根等分

右爲末煎服一錢

烏梅湯

小黑豆

菜豆各一合

烏梅二箇

右咬咀新汲水一碗煎取清汁旋服

木香理中湯

見寒類

木香 本方中加木香甘草乾姜

獨聖散

牛蒡子

炒五錢

白殭蠶

二錢半

右爲末入紫草三莖煎連進三服其痘便出

又方

穿山甲湯洗淨炒焦黃爲末每服半錢入麝少許

木香煎湯調下或紫草煎湯入紅酒少許調

犀角消毒飲

惡實

四兩炒

甘草

炙一兩

防風

半兩

荆芥穗

二兩

右爲末煎紫草糯米園葵子湯調食後臨睡日三

論倒倉法九十六

倒倉法治癱勞蠱癩等証推陳致新扶虛補損可吐可
下用黃色肥牯牛腿精肉二十斤或十五斤順取長流
急水於大鍋內煮候水耗少再添湯不可用冷水以肉
爛成粗爲度濾去粗用肉湯再熬如琥珀色隔宿不喫
晚飯大便秘者隔宿進神芎丸不秘者不用五更於密
室不通風處溫服一鍾伺膈間藥行又續續服至七八
鍾病人不欲服強再與之必身體皮毛皆痛方見吐下

寒月則重湯溫之病在上欲吐多者須緊服又不可太緊恐其不納病在下欲利多者須疎服又不可太疎恐其不達臨時消息大抵先見下方可使吐瀉極吐下伺其上下積俱出盡在大便中見如胡桃肉狀無臭氣則止吐利後或渴不得與湯其小便必長取以飲病者名曰輪迴酒與一二碗非惟可以止渴抑且可以滌濯餘垢睡一二日覺饑甚乃與粥淡食之待三日後始與少菜羹自養半月覺精神渙發形體輕健沉疴悉安矣大概中間飲至七八鍾時藥力經涉經絡骨節搜逐宿

垢正邪甯不牴牾悉有急悶似痛非痛自有惡况此皆
好消息邪不勝正將就擒耳尤須甯耐忍受又於欲吐
未吐欲泄未泄交作皆有惱括意思皆須歡喜樂受一
以靜處之此等有大半日景象不先說知使方寸瞭然
鮮有不張皇者矣 未行此法前一月不可近婦人已
行此法半年不可近婦人五年不可喫牛肉性急好淫
不守禁忌者皆不可行此法倒倉全在初起三鍾慢飲
最緊要能行經隧中去

法曰腸胃爲市以其無物不有而穀爲最多故曰倉

倉積穀之室也倒者傾去積舊而滌濯使之潔淨也
經曰胃爲受盛之官故五味入口卽入於胃留毒不
散積聚旣久致傷冲和諸病生焉今用黃牯牛肉其
義至矣夫牛坤土也黃土之色也以順爲德而效法
乎健以爲功者牡之用也肉者胃之樂也熟而爲液
無形之物也橫散入肉絡由腸胃而滲透肌膚毛竅
爪甲無不入也積聚久則形質成依附腸胃回薄曲
折處以爲栖泊之窠白阻礙津液血熏蒸燔灼成病
自非剖腸刮骨之神妙孰能去之又豈合勺珠兩之

丸散所能竅犯其藩墻戶牖乎夫牛肉全重厚和順之性潤枯澤槁豈有損也其方出於西域之異人人於中年後行一二次亦卻疾養壽之一助也

論吐法九十七

凡藥能升動其氣者皆能吐如防風山梔川芎桔梗

芽茶以生姜汁少許醋少許入薑汁搗服以鷺翎勾引

之附子尖桔梗蘆人參蘆瓜蒂藜蘆砒用不甚艾葉牙

茶此皆自吐之法不用手探但藥但湯皆可吐吐時先

以布搭膊勒腰腹於不通風處行此法一法用蘿蔔

子五合搗入漿水瀘過入清油白蜜少許旋半温用帛
繫束肚皮然後服以鵝翎探吐其鵝翎平時用桐油浸
皂角水洗晒乾待用 又法用鰕帶殼半斤入醬葱姜
等料物煮汁先喫鰕後飲汁以鵝翎勾引卽吐必須緊
勒肚腹 又法苦參末赤小豆末各一錢薑汁調重則
宜用三錢 吐法取逆流水 益元散吐濕痰 白湯
入鹽方可吐 人參蘆煎湯吐虛病 凡吐先飲二碗
隔宿煎桔梗半兩陳皮二錢甘草二錢 凡吐不止麝
香解藜蘆瓜蒂 葱白湯亦解瓜蒂 甘草總解諸藥

天補白水總解

充按三法中惟湧劑爲難用有輕重卷舒之機汗下則一定法也故先生特註吐爲詳者恐人不深造其理徒倉皇顛倒反有害於病耳今總列諸法於此使臨病隨機應變披卷瞭然不必搜檢而便於施治也

救急諸方九十八

魚骨鯁 用砂糖白炭皮末紫蘇葉滑石末和丸含口中津液嚥下骨自下

覃毒 用木香青皮等分作湯飲之

衆藥毒 用五倍子二兩重研細用無灰酒調服毒在

上卽吐在下卽瀉

解一切毒

用粉草五兩重細切微炒搗細量病人喫得多少酒

取無灰酒一處研去粗溫服須臾大吐瀉毒亦隨去

雖十分渴不可飲水飲水難收

解九里蜂 用皂角鑽孔貼在蜂叮處就皂莢孔上用

艾灸三五壯卽安

天蛇頭 用落蘇卽金絲草金銀花藤五葉紫葛天薺

麥切碎用十分好醋濃煎先熏後洗

又方 用人糞雜黃泥搗之裹在患處卽安

又方 用撲蛇燒爲炭存性地上出火毒研爲細末用香油調傅如洗只用井花水

天火帶 用白鱗泥炒研細香油傅之

又方 雉雞毛及鵝毛燒灰傅之用香油調

治蜈蚣全蝎傷 方同九里蜂灸法

治一切蛇咬 用金線重樓水磨少許傅咬處又爲細

末酒調飲

又方 柏樹葉魚胎草皺面草草決明一處研細傳咬

飲處佳

中牛馬肉毒 方同解一切毒法

狗咬 以紫蘇口嚼碎塗之

風狗咬 取小兒胎髮炒新香附野菊花研細酒調服

盡醉

拾遺雜論九十九

小便黃用黃栢澁者數者或加澤瀉又云小便不利黃

栢知母爲君茯苓澤瀉爲使 若濕熱流注下焦小

便赤黃兼之澁滯用黃柏澤瀉甚當 若稟受甚壯
酒食過度寡慾無慮之人小便澁滯不利莖中痛甚
却不宜用寒涼藥併滲利之藥只宜升麻柴胡羌活
甘草梢服後却用鷲翎探而入嘔吐數十聲其小便
自通 若是下焦無血小便澁數而赤宜四物加黃
柏知母牛膝甘草梢

凡用引經藥正藥六兩引經藥只可用半兩

白臘屬金稟收斂堅凝之氣外科之要藥生肌止血
定痛接骨續筋補虛與合歡樹皮同入長肌肉膏藥

用之神效

凡制玄明粉樸硝一斤蘿蔔一斤同煮蘿蔔熟為度取

出用白皮紙濾在磁器中露一宿收之冬月可制

凡治上升之氣大概用香附黃連黃芩山梔

凡補中氣藥必多服而效遲劫藥必速效如汗下之法

白芍藥酒浸炒與白朮同用補脾與川芎同用則瀉肝

與參朮同用則補氣能治血虛腹痛餘腹痛皆不可

用

凡面黑人不可多服黃芪以其氣實而又補之也面白

人不可多發散以其氣虛而又虧之也。面白人不
可飲酒以酒耗血故也。氣實人因服黃芪過多喘
者用三拗湯以泄其氣。

用椒葉升起胃氣之後胃中滿悶舊有痰之故以二陳
加白朮香附炒麩。

二陳湯治濁加升提之藥能使大便潤而小便長
腰曲不能伸者針人中妙。

惡寒久病亦可解鬱。

中焦有食積與痰而生病者胃氣不虛卒不便死。

人有病面皮上忽見紅點者多死

凡治病必先問平日起居飲食如何

氣屬陽無寒之理上升之氣覺惡寒者亢則害承乃制故也

人卧則氣浮於肺

凡治病必先固正氣

升降浮沉卽順之此必先歲氣毋伐天和

寒熱溫涼則逆之以寒治熱之法

凡看脈如得惡脈當覆手取如與正取同乃元氣絕必

難治矣如與正取不同者乃陰陽錯綜未必死

弦堅之脈雖是有積亦帶陰虛脈無水不軟之意脈緊指者其氣大虛多死峻補氣無水參朮歸之類形

脫者必補氣參朮不面白補氣口肥人補氣

針法渾是瀉而無補妙在押死其血氣則不痛故下針隨處皆可

灸法有補瀉火若補火艾炷至肉若瀉火不要至肉便掃除之用口吹風主散

點三里穴隨意依古法點但跌陽脈不應卽是穴蓋三

里屬陽明經也

灸瘡不收口用黃連甘草節白芷黃丹香油煎膏貼

一婦人十九歲氣實多怒事不發一日忽大叫而欲厥
蓋痰閉於上火起於下而上衝始用香附五錢生甘
草三錢川芎七錢童便姜汁煎服又用青黛人中白
香附末爲丸稍愈不除後用大吐乃安吐後用導痰
湯加姜炒黃連香附生姜煎下龍會丸

狐臭用礪砂密陀僧明礬鋼青白附子辰砂爲末先以
皂角水洗二三次後傅上不過三次全好又方加

黃丹水銀用白梅肉爲丸擦之 又方飛黃丹密陀

僧枯礬以蒸餅蘸藥擦之

治赤遊風用二蠶沙炒研細用剪刀草根自然汁調勻
先塗腹了却塗患處須留一面出處患處移動爲效
剪刀草根卽野茨菇

金釵石斛每二錢洗淨生姜一片搗細水盪起煎沸去
粗食前飲之補脾清肺甚妙

酒風多搐用白朮半兩人參二錢半甘草三錢陳皮蒼
朮天麻細切酒浸白芍一錢酒浸防風川芎一錢半

若小便多加五味子右爲末作丸服

秘方一百

青六丸 治三焦濕止泄瀉產後腹痛并自利者以補

脾補血藥送之 治血痢効

六一散

料一

紅麴

炒半兩

右爲末陳倉米飯丸並不單用與他丸同行 又加

五靈脂一兩名靈脂丸能行血

參萸丸 治濕而帶氣者濕熱甚者用之爲向導上可

治酸下可治自利

六一散料一

吳茱萸一兩製

右爲末飯丸若去茱萸加乾姜半兩名溫清丸治痢

效

固腸丸

見婦人類

補脾丸 有脾虛而惡湯藥者製此丸用湯吞省口苦

而易於從也

白朮半斤

蒼朮三兩

茯苓

陳皮各二兩

芍藥半兩

右爲末粥糊丸加潤下丸可作催生用上熱甚者加

清金丸尤妙與此藥必無產患

白朮丸

白朮 一兩

芍藥 半兩

冬月不用芍藥加肉豆蔻泄者炒丸服

右爲末粥

丸 一方枯礬半夏各一錢半

潤腸丸 能潤血燥大便不通

麻子仁

當歸

桃仁

生華

枳殼 各一兩

右爲末蜜丸

回令丸 瀉肝火行濕爲之反佐開痞結治肝邪可助

補脾藥

黃連 六兩

茱萸 一兩

右爲末粥丸 方名左金丸治肺火茱萸或半兩水

丸白湯下

柳青丸 瀉肝火 方見脇痛類

龍會丸 瀉肝火治脇痛 方見脇痛類

清金丸 瀉肺火熱嗽 方見嗽類

清化丸 治熱嗽 方見嗽類

咽酸丸 方見吞酸類

黃連清化丸

黃連 一兩

莫茱萸 一錢

桃仁 二十四箇 研

陳皮 半兩

半夏 一兩 半

右爲末神麩糊丸棗豆大每服百丸姜湯下

加減補陰丸

熟芩 八兩

兔絲子 四兩

鹽酒 浸一宿

當歸 三兩

酒浸

白芍 三兩 炒

瓊陽 三兩

杜仲 二兩 炒

牛膝 四兩

酒浸

破故紙 一兩

枸杞 一兩 半

虎骨 二兩 酥炙

龜板 一兩

酥炙

黃栢一二兩
炒

山藥

人參

黃芪各二兩

冬加乾姜一兩

右爲末猪骨髓入蜜丸桐子大空心服一百丸鹽湯

下

又方

白朮

白芍

人參

蓮肉

知母

黃栢等分

石爲末糊丸硃砂爲衣服法如前

清膈丸

黃芩 半斤酒浸炒黃 南星 四兩生

半夏 湯洗七次

右為末姜糊丸

寬中丸 治胸膈痞悶停滯飲食

山查 不拘多少蒸熟曬乾

右為末作丸服

溫清丸 治翻胃伐肝邪

乾姜 一兩 滑石 甘草 各二兩

右為末丸服

大安丸 脾經消導之藥

山查二兩

神麩炒

半夏

茯苓各一兩

陳皮

蘿蔔子

連翹各半兩

白朮二兩

右爲末粥糊丸服

右丹溪秘撰方已散於各類甚多如阿魏丸保和丸

小胃丹越鞠丸大補丸參朮飲束胎丸達生散等及

諸秘法不及一一重錄姑舉此數方以表其用藥之

旨大抵治法以氣血痰爲主凡病血虛四物氣虛四

君子有痰二陳酌量輕重加入主病引經之藥一循

活法不執專方學者推此求之則達其蹊徑矣

